

Bosna i Hercegovina
Federacija Bosne i Hercegovine



Bosnia and Herzegovina
Federation of Bosnia and
Herzegovina

Kanton Sarajevo

Sarajevo Canton

Općina Trnovo

Municipality of Trnovo

OPĆINSKO VIJEĆE

MUNICIPALITY COUNCIL

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06 i 51/09), članova 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Općine Trnovo na 7. redovnoj sjednici održanoj 03.06.2025. godine, donijelo je

P R A V I L N I K

O STIPENDIRANJU UČENIKA I STUDENATA

I OPĆE ODREDBE

Član 1.

Ovim Pravilnikom utvrđuju se osnove, kriteriji i postupak za ostvarivanje prava na dodjelu općinske stipendije učenicima u srednjoškolskom obrazovanju i studentima u visokoškolskom obrazovanju ne starijim od 26 godina, koji se redovno školuju i koji imaju prebivalište na području općine Trnovo najmanje 1 godinu prije objavljivanja javnog poziva.

Član 2.

Terminološka upotreba muškog, ženskog i gramatičkog roda u Pravilniku podrazumijeva uključivanje oba spola.

II OBAVEZE NADLEŽNIH OPĆINSKIH SLUŽBI

Član 3.

(1) Služba za opću upravu, društvene djelatnosti, boračko-invalidsku, dječiju i socijalnu zaštitu će:

- sačiniti tekst Konkursa;

- zaprimati prijave na Konkurs,
- obezbijediti potrebne uslove za rad Komisije za provođenje Konkursa;
- pružiti stručno-administrativnu pomoć Komisiji za utvrđivanje rang-liste kandidata za stipendije Općine Trnovo;
- nakon izvršenog izbora kandidata po odluci Općinskog načelnika nastaviti sve dalje aktivnosti vezane za sprovođenje odluke;
- pratiti realizaciju zaključenih pojedinačnih Ugovora o stipendiranju.

(2) Služba za privredu i finansije će:

- vršiti doznaku sredstava stipendistima putem ovlaštene poslovne banke.

III PRAVO I USLOVI

Član 4.

- (1) Pravo učešća na konkursu za dodjelu stipendije imaju redovni učenici srednjih škola sa prosjekom ocjena 4,5 i više, te redovni studenti visokoškolskih ustanova (studijski program I i II ciklusa državnih fakulteta) sa prosjekom ocjena 7,00 i više za fakultete grupacija medicinskih i tehničkih nauka, odnosno 8,00 i više za fakultete grupacija ostalih nauka, ne stariji od 26 godina, koji prvi put upisuju školsku/akademsku godinu, a imaju prebivalište na području općine Trnovo najmanje jednu godinu prije objavljivanja javnog poziva, uz uslov da nisu korisnici stipendija drugih organa ili institucija.
- (2) Izuzetno, ukoliko redovan učenik ili student koji nije navršio 26 godina a ima stalno boravište-stalno nastanjen i putuje s područja općine Trnava, ne ispunjava uvjete iz stava (1) ovog člana, pripada mu pravo na stipendiju pod jednakim uvjetima kao i učenicima i studentima definisanim u stavu (1) ovog člana.
- (3) Činjenicu iz stava (2) ovog člana utvrđuje Komisija za provođenje Konkursa (u daljem tekstu: Komisija).

IV SREDSTVA

Član 5.

Sredstva za stipendiranje učenika i studenata iz člana 1. Pravilnika biće planirana u Budžetu Općine Trnovo za tekuću godinu.

V KONKURS

Član 6.

(1) Izbor kandidata za stipendiranje vrši se na osnovu prijave na Konkurs.

(2) Općinski načelnik priprema i raspisuje Konkurs putem Službe za opću upravu.

(3) Konkurs sadrži:

- uslove i kriterije koje kandidati moraju ispunjavati;
- naznaku školske/akademske godine za koju se dodjeljuje;
- broj mjeseci za koje se stipendija dodjeljuje i njen mjesečni iznos;
- rok za podnošenje prijave;
- potrebne isprave koje se prilažu uz prijavu na konkurs;
- adresu ili druge podatke na koju se prijava na konkurs može podnijeti i
- druge eventualno potrebne podatke.

(4) Konkurs se objavljuje na zvaničnoj Web stranici i oglasnoj ploči Općine Trnovo i ostaje otvoren 15 dana računajući od dana objave.

(5) Svaki punoljetni učenik/student ili roditelj/staratelj za malodobne učenike/studente mora uz obrazac za prijavu potpisati Izjavu o saglasnosti za korištenje ličnih podataka u skladu s Zakonom o zaštiti ličnih podataka.

VI KOMISIJA

Član 7.

(1) Komisiju za provođenje konkursa za dodjelu stipendija Općine Trnovo posebnim Rješenjem imenuje Općinski načelnik.

(2) U sastav Komisije imenuju se:

- 2 predstavnika Službe za opću upravu Općine Trnovo,

- 1 predstavnik Općinskog vijeća Trnovo, koji je i ujedno i predsjednik komisije
- (3) Članovima Komisije pripada novčana naknada za svoj rad, o čemu će se donijeti posebno rješenje.

Član 8.

(1) Komisija ima zadatak da:

- Otvori prispjele prijave;
- Izvrši pregled i kontrolu svih prispjelih prijava na Javni konkurs za dodjelu stipendija Općine Trnovo, u smislu ispunjavanja uvjeta iz javnog konkursa, a u skladu sa Pravilnikom;
- Utvrdi ispunjenost uvjeta iz člana 4. stav (2) ovog Pravilnika;
- na temelju propisa iz prethodne tačke predloži Općinskom načelniku listu kandidata za donošenje Odluke o dodjeli stipendija Općine Trnovo u tekućoj školskoj/akademskej godini;
- da u svom radu primjenjuju Zakon o zaštiti ličnih podataka („Službeni glasnik BiH“ broj 12/25.).

(2) Rad komisije je javan, a radom Komisije rukovodi predsjednik Komisije.

(3) Komisija odluke donosi većinom glasova svih članova Komisije.

(4) Komisija o svom radu vodi zapisnik.

VII IZBOR KANDIDATA

Član 9.

(1) Pristigle prijave svih kandidata za stipendije obrađuje Komisija i na osnovu obrađenog materijala sačinjava preliminarnu rang listu učenika i studenata dobitnika stipendija.

(2) Svaki kandidat koji se prijavio na javni poziv će biti pismeno obaviješten o rezultatima javnog poziva.

(3) Nezadovoljni učesnik u javnom pozivu može podnijeti prigovor za zaštitu svojih prava Drugostepenoj stručnoj komisiji Općinskog vijeća u roku od 8 dana od prijema obavještenja.

(4) Odluka Drugostepene komisije Općinskog vijeća je konačna.

(5) Spisak svih izabranih kandidata za stipendiranje objavljuje se na oglasnoj ploči i WEB stranici Općine Trnovo.

Član 10.

Izbor kandidata – korisnika stipendije, vrši Općinski načelnik na osnovu prijedloga Komisije, u skladu sa kriterijima utvrđenim ovim Pravilnikom.

VIII OPĆI I POSEBNI USLOVI ZA DODJELU STIPENDIJA

Član 11.

Opći uslovi:

- Da je državljanin BiH
- Da imaju prebivalište na području općine Trnovo najmanje jednu godinu prije objavljivanja javnog poziva,
- Da su redovni učenici srednjih škola i redovni studenti visokoškolskih ustanova (studijski program I i II ciklusa državnih fakulteta) a do navršenih 26 godina starosti.
- Da nisu obnovili predhodnu školsku/akademsku godinu .
- Da po istom osnovu nisu ostvarili stipendiju od nekog drugog organa ili institucije.

Član 12.

Posebni uslovi:

(1) Broj bodova se utvrđuje na osnovu slijedećih kriterija:

a) po osnovu uspjeha

1. Učenicima prvog razreda srednje škole

- sa prosjekom ocjena u IX razredu osnovne škole 4,50-4,70 - 10 bodova
- sa prosjekom ocjena u IX razredu osnovne škole 4,71-4,99 - 20 bodova

2. Učenicima drugog i narednih razreda srednje škole

- sa prosjekom ocjena prethodnog razreda 4,50-4,70 - 10 bodova
- sa prosjekom ocjena iz prethodnog razreda 4,71-4,99 - 20 bodova,

3. Studentima prve godine studija

- sa prosjekom ocjena završnog razreda srednje 4,50-4,70 - 10 bodova
- sa prosjekom ocjena završnog razreda srednje 4,71-4,99 - 20 bodova

4. Studenti

- sa prosjekom ocjena iz prethodne godine 7,00 -8,00 10 bodova
- sa prosjekom ocjena iz prethodne godine 8,01-8,50 20 bodova
- sa prosjekom ocjena iz prethodne godine 8,51-8,99 30 bodova

b) po osnovu boračkog statusa (djeca RVI i dobitnika ratnih priznanja)

- djeca demobilisanih boraca 1 bod
- djeca ratnih vojnih invalida do 60% 2 boda
- djeca ratnih vojnih invalida preko 60% 3 boda
- djeca dobitnika ratnih priznanja 2 boda

Bodovi po kriterijima iz tačke b) se zbrajaju kumulativno za kandidata.

c) po osnovu socijalnog statusa i otežanih uslova života učenika i studenata

- učenicima i studentima koji svakodnevno putuju s područja općine Trnovo do mjesta obrazovne ustanove (iz evidencije Mjesne zajednice) 10 bodova
- primanja po članu domaćinstva manja od 400,00 KM 8 bodova
- učenici ili studenti čiji bar jedan roditelj/staratelj ima invalidnost od 100% 8 bodova
- učenici i studenti pod starateljstvom 10 bodova
- učenicima i studentima bez jednog roditelja 15 bodova
- učenicima i studentima bez oba roditelja 20 bodova

Član 13.

Stipendije bez bodovanja uz ispunjene uslova iz člana 11., dodjeljuju se izuzetno uspješnim učenicima sa prosjekom ocijena 5.0 i studentima sa prosjekom ocjena više od 9.0 .

Član 14.

Kada prijavljeni kandidati imaju jednak broj bodova, prednost će imati:

- onaj kandidat koji ima više bodova po uspjehu u učenju ili,
- kandidati s više bodova na osnovu boračkog statusa ili
- kandidat s više bodova na osnovu socijalnog statusa i otežanih uslova života.

IX STIPENDIRANJE I UGOVOR

Član 15.

Stipendije se isplaćuju za jednu školsku/akademsku godinu i isplaćivati će se 10 (deset) mjeseci.

Član 16.

Visina mjesečne stipendije iznosi:

- za učenike srednjih škola 100,00 KM
- za studente društvenih, humanističkih, prirodno-matematičkih i biotehničkih i grupacija umjetnosti iznos od 120,00 KM
- za studente grupacije tehničkih i medicinskih nauka 140 KM

Grupaciju medicinskih nauka čine: Fakultet zdravstvenih studija, Farmaceutski fakultet, Medicinski fakultet, Stomatološki fakultet sa stomatološkim kliničkim centrom i Veterinarski fakultet.

Grupaciju tehničkih nauka čine: Arhitektonski fakultet, Elektrotehnički fakultet, Fakultet za saobraćaj i komunikacije, Građevinski fakultet i Mašinski fakultet.

Grupaciju društvenih nauka čine: Ekonomski fakultet, Fakultet političkih nauka u Sarajevu, Fakultet sporta i tjelesnog odgoja, Fakultet za kriminalistiku, kriminologiju i sigurnosne studije, Fakultet za upravu, Institut za istraživanje zločina protiv čovječnosti i međunarodnog prava i Pravni fakultet.

Grupaciju humanističkih nauka čine: Fakultet islamskih nauka, Filozofski fakultet, Institut za historiju, Institut za jezik, Katolički bogoslovni fakultet, Orijentalni institut i Pedagoški fakultet.

Grupaciju prirodno-matematičkih i biotehničkih nauka čine: Institut za genetičko inženjerstvo i biotehnologiju, Poljoprivredno-prehrambeni fakultet, Prirodno-matematički fakultet i Šumarski fakultet.

Član 17.

- (1) Prava i obaveze i druga pitanja o dodjeli i korištenju stipendije regulisati će se preciznije zaključenim Ugovorom između odabranog stipendiste i Općinskog načelnika.
- (2) Ugovor o stipendiranju sadrži: ime i prezime učenika ili studenta, njegov JMBG, ime i prezime roditelja (staratelja) i njegovu tačnu adresu, JMBG roditelja (staratelja), naziv škole/fakulteta, razred/godinu studija, broj računa otvorenog u banci i međusobna prava i obaveze učenika ili studenta i Općine Trnovo, te način postupanja u slučaju povrede odredbi Ugovora.
- (3) Ugovor o stipendiranju potpisuju učenik ili roditelj (staratelj) maloljetnog učenika, odnosno student s jedne strane i Općinski načelnik s druge strane.

X POVRAT SREDSTAVA

Član 18.

- (1) Stipendije su nepovratne ukoliko stipendisti redovno ispunjavaju svoje ugovorne obaveze.
- (2) Pravo Općinskog načelnika je da obustavi isplatu stipendije učeniku/studentu ukoliko:
 - napusti redovno školovanje;
 - ako izgubi pravo na dalje školovanje iz neopravdanih razloga;
 - ako se utvrdi da prima stipendiju po istom osnovu od strane drugih organa ili institucija.
- (3) Učenik, ili roditelj (staratelj) učenika i student koji je potpisnik Ugovora o stipendiranju dužan je da izvrši povrat cjelokupnog iznosa sredstava, uz pripadajuću zakonsku kamatu, u roku od godinu dana, koje je primio za stipendiranje po osnovu ovog Pravilnika u slučaju predviđenim prethodnim stavom.
- (4) Općinski načelnik će putem Službe za opću upravu, društvene djelatnosti, boračku-invalidsku, dječiju i socijalnu zaštitu i Službe za privredu i finansije,

obezbijediti kontrolu provođenja odredbi Ugovora i po potrebi pokretati postupke za raskid Ugovora i nadoknadu sredstava.

- (5) Studenti koji su absolventi ili obnavljaju godinu studija ne mogu konkurisati za stipendiju, niti će njihove prijave biti uzete u razmatranje

XI PRIJELAZNE I ZAVRŠNE ODREDBE

Član 19.


- (1) Pravilnik stupa na snagu danom objavljivanja u "Službenim novinama Kantona Sarajevo", a biti će objavljen i na oglasnoj ploči i web stranici Općine Trnovo.
- (2) Stupanjem na snagu ovog pravilnika prestaje da važi Pravilnik o stipendiranju učenika i studenata broj 01-04-1266/24 od 14. marta 2024.godine.

Broj

01-04-1811

Datum

05-06. 2025. godine



davajući

Trnovo

nović

